



44.199
4437
53



Inches
Centimetres
TIFFEN® Color Control Patches
© The Tiffen Company, 2007



樂城集卷之十三

宋眉山蘇轍子由著

詩八十六首

除夜

老去不自覺歲除空一驚
深知無得喪久已罷經營
黃卷譏前失清樽借後生
何年遂踈懶伏臘任躬耕

種蘭

蘭生幽谷無人識
客種東軒遺我香
知有清芬能解穢
更憐細葉



吳王執禮子敬
顧天叙禮初全校



巧凌霜根便密石秋芳早
鼓倚修筠午蔭涼欲遣薜蘿共堂下
眼前長見楚詞章

上元夜

新春收積雨明月澹微雲
照水疎燈出因風遠樂聞
天涯仍有節人事竟何分
賣酒真拘束何時一醉醺

次韻王適上元夜二首

燈光欲凝不驚風月色初晴若發蒙
羈客不眠詩未就遊人半醉夜方中
荒城熠燿相明滅野水芙蓉亂白紅
知欲訪僧同寂寂應憐病懶畏燼燼

宿雨初乾試火城端居無計伴遊行
厭看門外繁星動想見僧窗一點明
老罷逢春無樂事夢回孤枕有鄉情
重因佳句思樊口一紙家書百鎰輕

王子立與遲等遊陳家園橋敗幾不成行
晚自酒務召見之明日雨作偶爾成詠

桃李城東近不遙偶聞花發喜相邀
斷橋似欲妨佳思好雨猶能借此朝
隨分開樽依綠草偶然信馬及餘瓢
重來莫道無閑暇紫燕黃鸝日漸嬌

幽蘭花二絕

李徑桃蹊次第開
穠香白和襲人來
春風欲擅秋風巧
催出幽蘭
繼落梅

珍重幽蘭開
一枝清香耿耿
聽猶疑定應欲較香
高下故取羣芳
競發時

胡長史祠堂

白首青衫仍隱居
晚拋環堵就安輿
生芻忽改烝嘗地
函丈空悲
講解餘弟子
璵璠相照耀
兒孫松桂共扶疎
我來恨不瞻遺老
空怪鄉隣盡讀書

孫賓叟道人

萬里飄然不繫舟
酒壚一笑便相投
千金不換金丹訣
何事惟須
一布裘

新橋

六月長橋斷不收
朱欄初喜映春流
虹腰宛轉三百尺
鯨背參差
十五舟入市
樵蘇看絡繹
歸家鹽酪免遲留
病夫最與民同喜
卯酉怒怒無復憂

曾子宣郡太挽詞二首

族大徽音遠年高福祚多
生兒盡龍虎封國裂山河
象服驚初拚埋文信不磨
送車江郭滿咽絕聽哀歌

其二

安輿遍西北丹旄歷江湖存沒終無憾哀榮兩得俱新封崇馬鬣
餘福薦浮圖家法蘋蘩在空堂始一虞

曾子固舍人挽詞

少年漂泊馬光祿末路騫騰朱會稽儒術遠追齊稷下文詞近比
漢京西平生碑版無容繼此日銘詩誰爲題試數廬陵門下士十
年零落曉星低

次韻王適一百五日太平寺看花二絕

遍入僧房花照眼細尋芳徑蝶隨行歸時不怕江波晚新有橋虹
水上橫

小檻明窗曾不住閑花芳草遣誰栽但須匹馬尋幽勝攜取清樽
到處開

又次韻遊小雲居

溪上浮花片片輕泝流登岸得山行僧房幽絕雲居小春日陰晴
野色明永遠林棲真有道
瀟泚耕養亦忘情此身此意何年遂空
使常談笑老生

次韻秦觀梅花

病夫毛骨日凋槁愁見米鹽惟醉倒忽傳騷客賦寒梅感物傷春

懊惱江邊不識朔風勁
靖頭亦有南枝早未開
素質夜先明半落清香
春更好鄰家小婦學閑
嬌靚粧惟有長簪掃孤
芳已與飛霰競結子仍
先百花老苦遭橫笛亂
飛英不見遊人醉芳草
可憐物性空自知羞作
繁華助芒昊

復次前韻答潛師

憐君古木依巖槁西江
飲盡須彌倒野花幽草
亦何爲嶮韻高篇空自
惱萬點浮溪輒長嘆一
枝過嶺仍誇早拾香不
忍遊塵汗嚼蔬更憐眞
味好道人遇物心有得
瓦竹相敲緣自掃誰知
眞妄了不妨令我至今
思璉老妙明精覺昔未
識但向閑窗看詩草浮
雲時起鳥四飛畢竟安
能亂清昊

景福順老夜坐道古人搐鼻語

中年聞道覺前非邂逅
仍逢老順師搐鼻徑參
眞面目掉頭不受別鉗
錐枯藤破衲公何事白
酒青鹽我是誰慚愧東
軒殘月上二盃甘露滑
如飴

畫枕屏

繩床竹簟曲屏風野水
遙山霧雨濛長有灘頭
釣魚叟伴人閑臥寂寥
中

次韻王適畱別

遠謫勞君兩度行復將文字試平衡
于時豈爲斗升祿聞道應忘
寵辱驚未了新書誰與讀
重留佳句不勝情決科事畢知君喜俗
學消磨意自清

次韻子瞻特來高安相別先寄遲适遠卻寄邁迨過遯

老兄騎驢日百里據鞍作詩若翻水
忽吟春草思惠連因之亦夢
添丁子羣兒競長堪一笑老馬臥餐
何日起聞兄盡室皆舊人見
面未曾惟遯耳遲年最長二十六已能幹
父窮愁裡豫兒揚眉稍
剛勁黨子温純無愠喜我兄憔悴我亦窮
門戶久長眞待爾但令
戢戢見頭角甑倒囊空定何恥家藏萬卷須盡讀
此外一簪無所
恃船中未用廢詩書閉窗莫看江山美

次韻子瞻端午日與遲适遠三子出遊

人生逾四十朝日已過午一違少壯樂日迫老病苦
丹心變爲灰
白髮粲可數惟當理鋤耰教子藝稷黍誰令觸網羅
展轉在荆楚
平生手足親但作十日語朝遊隔提攜夜臥困烝煮
未歌棠棣詩
已治芻蕘祖士生際風雲富貴若騎虎奈何貧賤中
所欲空齟齬
次韻子瞻留別三首

公來十日坐東軒手自披雲出朝日山川滿目竟何有
波浪翻天
同一濕諸門迭出驚異狀間道懷歸終舊壁此行十里隔江河何

人更問維摩疾

野人性似修行僧長願幽居近林麓南遷無計脫簪組西歸誰爲
栽松竹頭上白雲卽飛蓋耳畔清泉當鳴玉洛川猶是冠蓋林更
願高飛逐黃鶴

東西南北無住身羯末封胡四男子彫鏤不遣治章句爛熳先令
飽文字疎慵嗟我厲之人生子夜中惟恐似傳家粗足不願餘同
駕柴車還我里

次韻子瞻行至奉新見寄

四年候公書長視飛鴻背十日畱公談欲作白蓮會

筠州無可與
者往還但一

二僧耳 匏瓜一遭繫賣酒長不在夜歸步江濬明月照清瀨心開忽

自得語異竟非背倍音一尊談入間萬事寂寥外欲同千里行李此

一官礙何年真耦耕舉世無此大

贈醫僧鑒清二絕

肘後醫方老更精鬚眉白盡氣彌清只應救病能無病豈是平生
學養生

門人久作開堂老庭檜看成合抱圍他日浴室歸洗背回頭還解
放光輝

贈醫僧善正

老怯江邊瘴癘鄉城東時喜到公房歷言五藏如經眼欲去三彭
自有方身厭遠遊安靜默術因多病更深長時時爲我談尊宿會
入南公古道場

食麥

野沼漲清泉鳥菱不直錢
鱸肥整正滿石破髓初堅
節物秋風早樽疊夜月偏
令人思淮上小舫藕如椽

畱滯高安四年有餘忽得信聞當除官真楊間偶成小詩書
于屋壁

數間茅屋久蹉跎四見秋風入薜蘿
比棹偶然追雁羽南公誰復
伴漁蓑三年買傳驚吾老九歲劉郎愧爾多
此去仍家江海上不妨一葉弄清波

洪休上人少年讀書以多病出家
居泐潭爲馬祖修塔以三
絕句來謁答一首

早除郎將少年狂祖塔結緣歸故鄉
習氣未消餘業在逢人依舊
琢詩章

勉子瞻失幹子二首

人生本無有眾幻妄聚耳手足非吾親
何況妻與子偶來似可樂
強作室家喜忽去未免悲
欣成要矜毀君家兩歲兒
畢竟何自始

變化違初心涕泗劇翻水吾儕近始悟造物聊復試道力竟未完
聰明信難恃破甑不復顧彼無愛甑心棄壁負赤子始驗愛于深
誠知均非我胡爲有不能一從三界遊久被百物侵朝與喜怒交
莫與寵辱臨四物皆不勝生死獨未曾不經大火燒孰爲眞黃金
棄置父子恩長住旃檀林

偶遊大愚見餘杭明雅照師舊識子瞻能言西湖舊遊將行

賦詩送之

五年賣鹽酒勝事不復知城東古道場蕭瑟寒松姿出遊誠偶爾
相逢亦不期西軒吳起僧弛擔未多時言住西湖中巖谷涵清漪
卻背閭井喧曲盡水石奇昔年蘇夫子松屨無不之三百六十寺
處處題清詩麋鹿盡相識况乃比丘師辯淨二老人精明吐琉璃
笑言每忘去蒲褐相依隨門人几杖立往往聞談詞風雲一解散
變化何不爲辯入三昧火卯塔長松欹淨老不復出塵尾清風施
蘇公得罪去布衣拂霜髭空存壁間字鬱屈蟠蛟螭知我卽兄弟
微官此棲遲問何久自苦五斗寧免饑俛首笑不答且爾聊敖嬉
我兄次公狂我復長康疾又復自爲計定知山中宜但欲畢婚娶
每爲故人疑君歸漫灑掃野鶴非長羈

將移績溪令

坐看酒壚今五年恩移巖邑稍西還他年貧富隨天與何日身心
聽我閒山栗似黍應自飽蜂糖如土不須慳伸脚意向桐鄉好身
後丞嘗亦此間

約洞山文老夜話

山中十月定多寒纔過開爐便出山堂眾叻參緣自熟郡人迎請
怪忙還問公勝法須時見要我清談有夜闌今夕客房應不睡欲
隨明月到林間

將之績溪夢中賦泊舟野步

扁舟逢野岸試出步崇岡山轉得幽谷人家餘夕陽被畦多綠如
堆屋剩黃梁深羨安居樂誰令志四方

謝洞山石臺遠來訪別

竄逐深山無友朋往還但有兩三僧共遊渤澥無邊處扶出須彌
最上層未盡俗緣終引去稍諳真際自虛澄坐令顛老時奔走竊
比韓公愧未能

贈方子明道人

水銀成銀利十倍丹砂爲金世無對此人斬術不肯傳闔戶泥墻
畏天戒今子何爲與我言人生貧富寧非天錯錯橐籥枉心力
鹽布被隨因緣我來江西晚聞道一言契我心所好廓然正若大

虛空平生伎倆都除掃子言舊事淨慈師未斷有爲非淨慈此術
要將救飢耳人人有命何憂飢

回寄聖壽聰老

五年依止白蓮社百度追尋丈室遊睡待磨茶長展轉病蒙煎藥
久遲畱贊公夜宿詩仍作巽老堂成記許求回首萬緣俱一夢故
應此物未沉浮

乘小舟出筠江二首

短舫漂浮眞似葉小篷低淺僅如巢幽吟但覺山川走困睡不知
風雨交紅飯白醪供醉飽青簑黃翁可纏包一竿鶴髮他年事萬
斛龍驤任見嘲

宦遊欲學林間鵲每到新年旋壘巢蓬翁籠船聊似屋漁樵把臂
便成交不妨袖裡攜詩卷尙可床頭置藥包古史欲成身愈困客
來未免答譏嘲

寄題孔氏顏樂亭

顏巷久已空顏井固不遷荆榛翳蔓草中有百尺泉誰復飲此水
裹飯耕廢田有賢孔氏孫芟夷發清源廢床見練刻古甃昏苔痕
引缸注瓢樽千歲忽復然嗟哉古君子至此良獨難口腹不擇味
四體不擇安遇物一皆可孰爲我憂患阮生未忘酒嵇生未忘鍛

欲忘富貴樂託物僅自完無託中自得嗟哉彼誠賢

徐孺亭

徐君鬱鬱澗底松陳君落落堂上棟澗深松茂不遭伐堂毀棟折
傷其躬二人出處勢不合譬如日月行西東胡爲賓主兩相好一
榻挂壁吹清風人生遇合何必同一朝利盡更相攻先號後笑不
須怪外物未可疑心胸比干諫死微子去自古不辨汙與隆我來
故國空嘆息城東舊宅生茅蓬平湖十頃照清廟獨畫徐子遺陳
公二人皆合配社稷胡不相對祠堂中

滕王閣

客從筠溪來歆仄困一葉忽逢章貢餘滉蕩天水接風霜出洲渚
草木見毫末勢奔西山浮聲動古城業樓觀卻相倚山川牙開闕
心驚魚龍會日送鳧雁滅遙瞻客帆久更悟江流濶史君東魯儒
府有徐孺榻高談對賓旅確論精到骨餘思屬湖山登臨寄潰堞
驕王應笑滕狂客亦憐勃萬錢罄一飯千金賣豐碣豪風相凌蕩
俳語終倉猝歐陽文忠公嘗云王勃記文事往空長江人來逐飛
似俳而唐人貴之如此何也但當倒罌瓶一醉付江月

次韻道潛南康見寄

一葉追隨魚與龍紅粳白酒幸年豐也知山色遙相待苦畏君詩

欲見攻乘興風帆終日去尋幽蠟屐及春同請君先入開先寺待
濯清溪看玉虹

車浮 弁序

結木如巢承之以簣沉之水中以浮識其處方舟載兩輪挽而
出之漁人謂之車浮此詩所謂汕也與遲适同作車浮詩
寒魚得汕便爲家兩兩方舟載小車謀食旋遭芳餌誤求安仍值
積薪遮情存未免人先得欲盡要令物莫加身似虛舟任千里世
間何處有罾罟

題都昌清隱禪院

北風江上落潮痕恨不乘舟便到門樓觀飛翔山斷際松筠陰翳
水來源升堂猿鳥晨窺坐乞食帆檣莫遠村唯道谿巖許深處一
番行草認元昆 長老惟混曾識子瞻兄於淨因有簡刻石

逢章戶掾赴澧州

江船不厭窄船窄始宜行風裏長先過灘頭一倍輕迎親無惡處
祿養勝躬耕澧上春闌早猶堪吊屈生

除夜泊彭蠡湖遇大風雨

莫發鄴陽市曉榜彭蠡口微風吹人衣霧透廬山首舟人釋篙笑
此是風伯候杙舟未及深飛沙忽狂走暗空轉車轂淥水起岡阜

眾帆落高張斷纜已不救我舟舊如山此日亦何有老心畏波瀾
歸臥塞窗牖土囊一已發萬竅無不奏初疑丘山裂復恐蛟蜃鬪
鼓鍾相轟虓戈甲互磨叩雲霓黑旗展林木萬弩鼓曳柴眩人心
振旅擁軍後或為羈雌吟或作倉兕吼眾音雜呼吸異出殊圈曰
中宵變凝冽飛霰集粉糝蕭騷蓬響乾晃蕩窗光透堅凝忽成積
澎湃殊未究紵縞鋪前洲瓊瑰珠逸岫山川莽同色高下齊一覆
淵深竄魚鼈野曠絕鳴雉孤舟四鄰斷餘食數升糗寒糞僅盈盎
腊肉不滿豆敝裘擁衾眠微火拾薪構可憐道路窮坐使妻子詬
幽奇雖云極岑寂頃未觀一年行將除茲歲直浪受朝來陰雲剝

林表紅日漏風稜恬已收江練平不縐兩槳舞夷猶連峯吐奇秀
同行賀安穩所識問癯瘦驚餘空自憐夢覺定真否春陽着城邑
屋瓦凍初溜艱難當有償爛熳醉醇酎

正旦夜夢李士寧過我談說神怪久之草草為具仍以一小
詩贈之

先生惠然肯見容旋買雞豚旋烹炙人間飲食未須嫌歸去蓬壺
卻無喫

舟中風雪五絕

北風吹雪密還稀雪勢漸多風力微孤棹獨依銀世界山川路絕

欲安歸

曉風吹浪作銀山夜雪爭妍布玉田風力漸衰波更惡通宵撼我
正安眠

擁纜埋蓬不見船船窗一點莫燈然幽人永夜歌黃竹賴有丹砂
暖寸田

濁醪麤飯不成歡白浪飛花雪作團窗外時來一雙鴟沉浮笑我
不禁寒

江面澄清雪未融扁舟蕩漾水無蹤篙師不用怒怒去遍看廬山

羣玉峯

題南康太守宅五老亭

五老高閑不入城開軒肯就史君迎坐中莫著閑賓客物外新成
六弟兄雲氣飄浮衣袂舉泉流灑落佩環聲岌然終日俱無語靜
壽相看意自明

書廬山劉顛宮苑屋壁三絕

一作陪南康太守訪廬山劉顛宮苑畱題三絕

山西舊將本書生歸老巖間未厭兵卧聞布水中宵起錯認邊風
萬馬聲

雕弓挂壁恥言勳出入樵漁便作羣五馬親來看射虎不愁醉尉
惱將軍

續坡集卷之十三
三
肩輿已棄躡風騅舊物仍存楊柳枝一曲清歌近尤好五陵故態未全衰

再遊廬山三首

當年五月訪廬山山翠溪聲寢食間藤杖復隨春色到寒泉頓與客心閑巖頭懸布煎茶足峽口驚雷泛葉慳待得前村新雨遍扁舟應逐好風還

憶自栖賢夜入城道邊蘭若一僧迎偶然不到終遺恨特地來遊慰昔情海外聲聞安至此堂中天鼓爲誰鳴忽忽復向深山去一

盞醅酬飽粟罌

羅漢院有新羅羅漢堂中法鼓特大

此山巖谷不知重赤眼浮圖自一峯芒躡隨僧踐黃葉曉光消雪墮長松石泉試飲先師錫午飯歸尋下寺鐘勝處轉多渾恐忘出山惟見白雲濃

汲陽阻風

鍾陵距池陽相望千里內江神欺我貧屢作風雨礙欲投皖公宿三日逢一噫孤篷面空山朝食淡無菜白醪幸餘瀝黃卷漫相對飢吟非吾病疾走老所戒焦先近不遠蝸舍聞尙在區區問養生借我一帆快

張嘉祐

道人何為者陽狂時放言寶塔昔所構鉄券今尙存

此張所言其餘都不可曉

漫浪難究悉孰知彼根源草菴多容膝俯仰拳肩跟無食輒行乞

一飽常閉門爾來二十年未嘗變寒温嗟哉豈徒然此意未易言

偶來一笑喜但恐笑我昏

效韋蘇州調嘯詞二首

漁父漁父水上微風細雨青蓑黃蓑裳衣紅酒白魚莫歸莫歸莫

歸歸莫長笛一聲何處

歸雁歸雁飲啄江南南岸將飛却下盤桓塞北春來苦寒苦寒苦

寒寒苦藻荇欲生且住

至池州贈陳鼎秀才

淮陽學舍舊相依常誦曹溪第一機卻到江西心有悟回看過去

事皆非孤舟遠適身如寄二頃躬耕道自肥欲看齊山君去否閑

中徒侶近來稀

次韻遲初入宣河

遠客安長道低篷稱小溪雲添濕帆雨舟滯沒蒿泥草綠耕牛健

村深候鳥啼陶翁方作令歸去未成題

次韻侯宣州利建招致政汪大夫

社甕壺漿接四鄰肩輿拄杖試紅塵慣眠林下三竿日來看城中

萬井春世上升沉無限事樽前強健不貲身經過已足知公政長
見車中有老人

次韻侯宣城疊嶂樓雙溪閣長篇

作官如負擔一負當且弛不知息有處妄問道遠邇我乘章江流
卻入苑溪水捨舟陟崔嵬行路極句已名都便欲過佳處賴公指
仰攀疊嶂高俯閱雙溪美不悟身乘空但覺風吹耳雲烟變遷壑
歌吹聞近市倦遊得清曠行役有新喜公言頃榛穢斬伐從我始
堰水種蒲蓮開山蒔梅李擁本待戒陰養花要食子遺風揖桓謝
父老邀黃綺邦人魚依蒲食客我在芷春陰迫寒食謂我姑且止

嗟余去鄉國屢把刀環視感公鵠鷺修憐我鳧鴨庠異邦逢故人

寧復固辭理高談雲漢上爛醉笙歌裡落日盡公歡推挽未應起

初到績溪眎事三日出城南謁二祠遊石照偶成四小詩三

諸同官

行年五十治丘民初學催科愧廟神無限青山不容隱卻看黃卷
自憐貧雨餘嶺上雲披絮石淺溪頭水蹙鱗指點縣城如手大門
前五柳正搖春

右梓桐廟

石門南出眾山巔沃壤清溪自一川老令舊語田事樂春耕正及

雨晴天可憐鞭撻終無補早向叢祠乞有年歸告仇梅省文字麥
苗含穗欲蚕氏

右汪王廟

行盡清溪到碧峯陰崖翠壁畫杉松故畱石照邀行客上徹青山
最後重

雨開石照正新磨鳥度猿攀野客過忽見塵容應笑我年來底事
白鬚多

右石照二首

縣中諸花多交代江君所栽牡丹已過芍藥方盛偶寄小詩

偶來山邑便成家慚愧潘生滿縣花想見清樽檻邊飲尙畱佳句
壁間誇根槐未老年年好艷方穠日日加聞道北遊無意味春深
河上足風沙

楊主簿日本扇

扇從日本來風非日本風風非扇中出問風本何從風亦不自知
當復問大空空若是風穴既自與物同同物豈空性是物非風宗
但執日本扇風來自無窮

次韻答人幽蘭

幽花耿耿意羞春紉佩何人香滿身一寸芳心須自保長松百尺

有爲薪

次韻江法曹山間小酌

高情不柰簿書圍行揖青山肯見隨綠野逢花將盡日清樽迫我
正閑時簷間雙燕欲生子葉底新梅初滿枝笑殺華陽窮縣令床
頭酒盡只嘔眉

官舍小池有鷓鴣遺二小雛二首

半畝清池藻荇香一雙鷓鴣競悠揚來從碧澗巢安在飛過重城
毋自將野鳥似非官舍物辛君昔是釣魚郎直言愧比奇章老得
絲無心更激昂

清池定誰至鷓鴣自來馴知我無傷意憐渠解托身橋陰棲息穩
島外往來頻勿食遊魚子從交長細鱗

次韻答人見寄

對案青山雲氣騰天將隙地養無能窗扉迎暑梅將溜虛市無人
冷欲冰寂默忘言慚社_■韜_■困睡比春鷹深知大府容衰病復
值年來蚕麥登

次韻答魏孝仙檻竹

猗猗元自直落落不須扶密節風吹展清陰月共鋪叢長傲霜雪
根瘦恥泥塗更種愁無地應須煎碧蘆

樂城集卷之十四

心之十三終

宋眉山蘇轍子由著

明東吳王執禮子敬
顧天敘禮初
空校

詩八十五首

次韻王荐推官見寄

可憐衰病孰為媒私喜隣邦得儔才
玉案愧無酬錦繡木瓜卻用報瓊瑰
風流似欲傳諸謝格律猶應學老梅
始信山川出才士扁舟新自死溪來
荐宣人也

郭尉愿悼夫以琳上人書詩為示次韻

勉強冠裳四十餘同官早歲亦山居朝來過我三竿日袖有幽僧
數紙書家住一廬何計反官供五斛未應無聞渠秋後來相訪脫
粟藜羹只自如

次韻汪琛監簿見贈

連宵暑雨氣如秋過客不來誰與遊賴有澹臺肯相顧坐令彭澤
未能休琴疎不辦彈新曲學廢誰令致東修慚愧邑人憐病懶共
成清淨勸遲留

周昉畫美人歌

深宮美人百不知飲酒食肉事遊嬉彈絲吹竹舞羅衣曲終對鏡
理鬢眉岌然高髻玉釵垂雙鬟窈窕萼葉微宛轉躑躅從嬰兒倚
楹俯檻皆有姿擁扇執拂知從誰瘦者飛燕肥玉妃俯仰向背樂
且悲九重深遠安得窺周生執筆心坐馳流傳人間眩心脾飛瓊
小玉雲霧幃長風吹開忽見之夢魂清夜那復追老人衰朽百事
非展卷一笑亦胡爲持付少年良所宜

病中郭尉見訪

偶成三日寒兼熱知是多聞力未全卻問藥王求妙劑慙非摩詰
已虛圓勞公強說修行漸顧我方爲病垢纏應是床頭有新酒欲
邀佳客故畱連

病後

一經寒熱攻骸骨正似兵戈過空廬
柱木支撐終未穩筋皮收拾
久猶疎芭蕉張王要須朽雲氣浮游畢竟虛
賴有衣中珠尚在病
中點檢亦如如

復病三首

病作日短至病消秋氣初山深足氣瘴俗儉少肴蔬藥亂曾何補
心安當自除朝廷閱流落已是脫遷居

其二

寒作埋冰雪熱攻投火湯今生那有此宿業未應亡委順一無損
力爭徒自傷頽然付一榻是處得清涼

其三

一病五十日復爾當解官不才歸亦樂無食去猶難
龜勉人應笑
低徊意已闌舊師摩詰老把卷靜中看

送琳老還大明山

身老與世疎但有世外緣五年客江西掃軌謝往還
依依二三老
示我馬祖禪身心忽明曠不受垢污纏偶成江東遊
欲別空悽然

緣散眾亦去飄若風中烟高安三長老與之甚熟別後交老
去洞山聰老去聖壽全老化去華陽

本荒邑緇素明星懸偶然得老尉舊依育王山璉公善知識不見

十九年我昔未聞道問以所入門告我從信入授我普眼篇冉冉
百尺松起自一寸根南歸髮盡白尺書今始傳不知隣邑中乃有
門人賢百里走相訪觸熱汗雨翻懷中出詩卷清絕如斷蟬我適
病寒熱氣力才綿綿空齋默相向欲語不能宣未暇答佳意歸錫
鏘金環空有維摩病愧無維摩言

病退

冷枕單衣小竹牀卧聞秋雨滴心涼此間本淨何須洗是病皆空
豈有方示疾維摩元自在放身南嶽離思量病根欲去真元在中
夜夢遊何有鄉

病後白髮

枯木自少葉不堪經曉霜病添衰髮白梳落細絲長筋力從凋朽
肝心罷激昂勢如秋後雨一度一淒涼

答琳長老寄幽蘭白朮黃精三本二絕

谷深不見蘭生處追逐微風偶得之解脫清香本無染更因一嗅
識真如

老僧似識眾生病久在山中養藥苗白朮黃精遠相寄知非象馬
費柔調

次韻侯宣城題疊嶂樓

續北集卷之十四
小邑來時路宣城最近隣樓臺百年舊花竹一番新登覽春深日
凝思病後身何時對樽酒重爲洗埃塵

初聞得校書郎示同官三絕

讀書猶記少年狂萬卷縱橫曠腹囊奔走半生頭欲白今年始得
校書郎

百家小邑萬重山慙愧斯民愛長官粳稻如雲梨棗熟暫畱聊復
爲加飡

病後濁醪都少味老來歡意苦無多臨行寂寞空相對不作新詩
柰客何

續溪二詠

豁然亭

南看城市北看山每到令人意豁然碧瓦千家新過雨青松萬壑
正生烟經秋卧病聞斤響此日登臨負酒船徑請諸君作佳句壁
間題我此詩先

翠睂亭

誰安雙嶺曲彎彎睂勢低臨戶牖間斜擁千畦鋪淥水稍分八字
放遙山愁霏宿雨峯巒濕笑卷晴雲草木閑忽憶山鄉銀色界舉
頭千里見蒼顏

辭靈惠廟歸過新興院書其屋壁

來時稻葉針鋒細去日黃花黍粒麤久病終慙多做政豐年猶喜
慰耕夫青山片片添紅葉漾水星星照白鬚東觀校讐非老事眼
昏那復競鉛朱

郭尉惠古鏡

凜如秋月照虛空遇水留形處處同一瞬自成千億月精神依舊

滿胸中 俗言以鏡予人損
已精神故解之云

歙縣歲寒堂

檻外甘棠錦繡屏長松何者擅亭名浮花 眼無多日勁節凌寒

盡此生暗長茯苓根自大旋收金粉氣尤清長官不用求琴譜但
聽風吹作弄聲

邵武游氏老人三清堂紫芝

黑龜赤鳳早逢師白髮蒼顏老不衰丹鼎一丸深自祕紫芝三葉
邵先知烟熏晴日雲容薄色凝秋霜玉性奇何日刀圭救羸病盡
芟荆棘種交梨

神宗皇帝挽詞三首

稽古堯無作勤邦禹有功肇新天地力事改漢唐風禮樂寰中盛
梯航海外通華封徒有誦龍御忽乘空

其二

承平終不處副託重艱難統接神孫正人依聖母安橋山封劔佩
原廟見衣冠萬國纏哀處蒿陽檜栢寒

其三

取士忘疎賤量書廢寢興芻言本何益玉殿最先登日角依稀想
堯言涕泗稱龍髯遠莫及零淚凍成冰

舟過嚴陵灘將謁祠登臺舟人夜解及明已遠至桐廬望桐
君山寺縹緲可愛遂以小舟遊之作二絕

扁舟忽草出山來慚愧嚴公舊釣臺舟子未應知此悵夢中飛楫

定誰催

嚴公釣瀨不容看猶喜桐君有故山多病未須尋藥錄從今學取
衲僧閒

泝潮二首

潮來海若一長呼潮去蕭條一吸餘初見千艘委泥土忽浮萬斛
泝空虛映山少避會非久借勢前行卻自如天地尙遭人意料乘
時使氣定羸疎

疋練縈回出海門黃泥先變碧波渾初來似欲傾滄海正滿真能
倒百源流枿飛騰竟何在扁舟睥睨久仍存自慚不作山林計來

往終隨萬物奔

贈王復處士

候湖門外王居士平昔交遊遍海涯本種杉松為老計晚將亭榭
付隣家為生有道終安隱好事來遊空嘆嗟猶有東坡舊詩卷忻

然對客展龍蛇

王君舊有園亭于瞻兄名之曰種德其亭頤以貧故鬻之矣

張揚山人即昔所謂惠恩師也余舊識之於京師忽來相訪

茫然不復省徐自言其故戲作二小詩贈之

昔日高僧今白衣人生變化定難知故人相見不相識空怪解吟

無本詩

聽誦長江近章句喜逢澄觀已冠巾醉吟揮弄清湖水誰信從前

戒律人

次韻子瞻送楊傑主客奉詔同高麗僧遊錢塘

人言長安遠如日三韓住處朝日赤飛帆走馬入齊梁卻渡吳江
食吳橘玉門萬里唯言九行人淚墮陽關酒佛法西來到此間遍
滿會如屈伸手出家王子身心虛飄然渡海如過渠遠來忽見傾
盆雨屬國真逢戴角魚空入無心亦無怯一物不見誰為敵東海
東邊定有無拍手笑作中朝客

寄龍井辯才法師三絕 并叙

轍自績溪蒙恩召還將自宣城沿大江以歸家兄子瞻以書告
曰不如道歛溪過錢塘一觀老兄遺迹轍用其言既至吳中迫
於水涸不能久留十月入日遊上天竺子瞻昔與辯才師相好
今隔南山不得見乃作三小詩以寄之

我兄教我過東吳遺墨山間無處無忽報冬潮催出漚俗緣深重
道心麤

山色青冥葉木紅湖光凝碧曉無風行窮上下雨天竺望斷南山
龍井龍

井水中藏東海魚側盆翻雨洗凡夫隔山欲共公相見草道從來

一滴無

元絳叅政挽詞

吳越朝天功在民當年卿相亦仁人曾孫終與元豐政故老猶知
異代因吏治清明開白日文詞俊發吐青春鄴都從事堂中客涕
灑高原栢子新

過王介同年墓

平生使氣坐生風徐叩方知學有功應奉讀書無復忌虞
翻忤物
自甘窮埋根射策久彌奮投老為邦慄莫攻墳木未須驚
已拱少

年我亦作衰翁

音與中甫同登制科
僕年最少今已老矣

將遊金山寄元長老

麤砂施佛佛欣受怪石供僧僧不嫌空手遠來還要否更無一物
可增漆

元老見訪留坐具而去戲作一絕調之

石霜舊奪裴休笏坐具只今君自留留放書房還會否受降曾不
費戈矛

元老和示小詩自謂非戰之罪復作一絕并坐具還之

請君却領彌天具不欲終收陷虎名莫道昏沉非戰罪何如不戰

屈人兵

子瞻與長老擇師相遇於竹西石塔之間屢以絕句贈之又

留書邀轍同作遂以一絕繼之

遠老陶翁好弟兄虎溪廬阜久逢迎何須更要經平子清議從來
貴士衡

高郵贈別杜介供奉

淮南魚米年年賤直便歸休無俸錢錦背圖書何益事塵生弦筦
正參禪逢人未廢一樽酒送客長隨百里船世上得如君自在不

須開府事開邊

幾先去年送家兄子瞻至
高郵今年復留此相別

答王定國問疾

五年竄南荒頑質不伏病吸清吐濁穢氣練骨隨勁澹然久忘歸

寂寂就遐屏國恩念流落牽挽昇隣境葉舟泝長江藤鞋過重嶺

峽深鳶蘿惡山嶮崖石橫恢召夏初發氛霧秋愈盛菘蕘食有時

豚羔詎曾省門開訟氓入口晏鳩舌競肝脾得寒熱水炭迫晨暝

俚醫固空踈蠻覲劇麤猛老妻但坐哭遺語未肯聽長子亦在床

一臥昏不醒思歸未可得卽死副前定如如性終在冉冉歲將冷

筋骸稍輕安冠服強披整餘方厭苓朮日食禁醪茗髮衰亂隨櫛

骨瘦空看影簿書勉復親環堵非所請馬老固伏櫪槎流舊安井

凌兢就輕車邂逅出修綆此土誠夢幻俛仰成吊慶故人在新詩

萬里慰孤耿賞音我非曠斷鼻君真郢南遷昔所同臥疾今亦並

遠行信由天未死庸非命歸舟正飄兀齋舍念清淨作書附鴻翼

去路瞻斗柄聞水漸安流吳音未全正一樽對清言及此冬夜永

和予瞻次孫覺諫議韻題郡伯閣上斗野亭見寄

扁舟未遽解坐待兩闌平濁水汙人思野寺爲我清昔遊有遺咏

枯墨存高叢故人獨未來一樽誰與傾北風吹微雲莫寒依月生

前望邗溝路卻指鐵甕城茅簷卜茲地江水供晨烹試問東坡翁

畢老幾此行奔馳力不足隱約性自明早爲歸耕計免慙老僧榮

僧榮斗野主人也子瞻將卜居丹陽蒜山下此亭正當歸路故云爾

次韻子瞻題泗州監倉東軒二首

肩輿嫋嫋渡浮梁吏隱知君寄一倉才里遙看飛皂蓋小軒相對
有壺漿清霄往往投車轄永日霏霏散篆香畱滯淮南久仍樂莫
年何意復爲郎

萬斛塵飛日爲霾無心退食自成齋梅生紅粟初迎臘魚躍銀刀
正出淮臥病空看帆度磧誦詩猶記雪填堦夾河南北俱形勝且
借高城作兩崖

答顏復國博

歲晚河水畱畫船一軒修竹喜蕭然詩詞溫厚新成格道論精微
近入禪病後不勝清醑醞別時仍得舊書傳欲成古史須咨考陋
巷何因接尺椽

次韻王定民宣德

彭城寺壁看詩來顏氏瓢樽偶共開茅屋未完先鑿竹林成後
想宜梅新詩妙絕難爲繼高論微低得共陪第一詞人生不識茲
行尙喜揖君才

河水

扁舟多艱虞與我平日類初乘滂洋流旋涉凍淺地日西陰風作
夜半流澌至悄然孤寂枕覺此凝冽氣河聲噤不喧燈花結復墜

忽來觸舟去聲與裂帛似平明發窗扉吏卒疆未起奔騰陣馬過
洶湧晴雲駛紛紛散環玦卷卷浮席被匯流忽騰蹙曲岸相撐抵
欹危起丘山汗漫接洲沚連艘恣凌轆千槳競紛委剛強初悍頑
潰散終披靡掃除就虛曠沿沂弄清泚我行無疾徐乘流得坎止
偶然追還期愧此墮千指陰陽有定數開塞亦常理窮冬治舟行
嗟此豈天意

復賦河水四絕

客心凜凜怯寒水擁褐無言夜漏深河伯似知歸意速風號西北
故相禁

春來歸夢劇飛鳧夜半流澌擁舳艫似勝去年彭蠡口雪封廬岳
浪翻湖

朝來縣令借長船仍遣千夫上下牽不惜瓊瑤分眾手貪看雪片
滿河壩

輕絛破碎珮環流顛倒鏘鳴亂觸舟解紉投篙曾不顧不知何處
擁汀洲

河水稍解喜呈王適

畱滯江湖白髮生西歸猶苦凍崢嶸春風未到冰先解河水初深
船自輕去國偶然經晝夢逢人稍欲問都城羈鴻共有成行喜雙

鯉應將尺素迎

河水復結復次前韻

懊惱河水散復生徂年近已失崢嶸身留短舫厭厭睡目送飛鴻
一一輕引緯低徊疑上坂打凌辛苦甚攻城東風憐我歸心速稍
變楊梢百里迎

題南都畱守妙峯亭

我登妙峯亭欲訪德雲師春陽被原野濶渙含流澌未復桃李色
稍增松桂姿子子東來檣冉冉將安之萬物委天運此身免奔馳
長然懷舊遊一丘覆茅茨清冷久沮洳文雅空頽隳提攜二三子

醉倒春風吹不見妙峯處安知德雲期南遷久忘反有獲空自知
歸來覽新構恍然發深思遠行極南海此地初不移酌我一斗酒
盡公終日嬉德雲非公歟相對欲無詞

次韻發運路昌衡淮南見山堂

疊石初成得賜環未應苔蘚上蒼顏據鞍華岳旌旄裡回首淮山
夢想間烽火日傳西塞靜丘陵應伴壯心閑終南太白皆公有肯
向庭中更作山

送戴朝議歸蜀中

岷山招我早歸來劍閣橫空未易回北叟忽驚鷓鴣晚西轅欲及

海棠開避仇賦客親耕耒因亂詩翁著酒杯但愛江山無一事爲
言父老莫相猜

後省初成直宿呈子瞻二首

掖垣初罷斧斤響棟宇猶聞松桂香江海暫來俱野客雲霄並直
愧華堂月明似與人烟遠風細微聞禁漏長諫草未成眠未穩始
知天上極清涼

射策當年偶一時對床夜雨失前期廬間還往無多地夢裏追尋
亦自疑螭墨屢乾朝已久囊封希上出猶遲茅簷半破松筠老歸

念蕭然欲語誰

次韻子瞻送陳睦龍圖出守潭州

海上石橋餘折棟大舶記君過鐵甕東行萬里若乘空老蜃長鯨
應入鞞波搖風卷臥不起免教髀肉鞍磨痛歸來過我話艱苦驚
汗津津尙流赤海涯風物畫成圖錯落天吳兼紫鳳至今想象隔
人世往往風濤吹晝夢長沙欲往厭飛楫幸有千兵作迎送文章
清逸世少比科第崢嶸聲自重遠行屢屈眾所歎出祖誰攀車欲
動明朝鼓角背王城莫聽單于吹曉弄

子雍奉使三韓轍時在南
都見其往返故此詩言之

送千之姪西歸

京洛東遊歲月深相逢初喜解微吟夢中助我生池草別後同誰

飲竹林文字承家憐女在風流似舅慰人心便將格律傳諸弟王
謝諸人無古今

駕幸親賢宅贈隨駕諸公

日日南風夜氣煩一聲鳴趕萬人看禁溝飛水清黃道涼殿分水
遍從官急雨未成昏觀闕微飈稍覺泛和鑿相看揮汗塵埃裡散
髮何人舊不冠

次韻子瞻飲道者院池上

雨氣涼侵殿河流滲入池黃梁淪魚子白酒瀉鶯兒風細初生細
塵清免汗脣郊行不易得拂壁看題詩

答孔平仲惠蕉布二絕

裘葛終年累已輕薄蕉如霧氣尤清應知浣濯衣稜敗少助晨趨
萃蔡聲

燈籠白葛扇裁紈身似山僧不似官更得雙蕉縫直撥都人渾作
道人看

次韻朱光庭司諫喜雨

焦枯連夏火洗濯待秋霖都邑溝渠淨郊原黍豆深流膏侵地軸
晴意動風琴誰似臣居易先成喜雨箴

次韻光庭省中書事

放浪江湖久情慵安排誰置從官中麤踈空與延和對開納初還
正觀風二鄙兵消真帝力四方雨足自天功時將一勺傾滄海漫
使人知達四聰

送張恕朝奉南京簽判二首

楚蟹吳柑初著霜梁園官酒試羔羊老如計相非無齒清似畱侯
未卻糧杖屨稍通賓客過殺蔬要遣子孫嘗詔書委曲如公意幕
府新除朱紱郎

朱紱還家罷倚門畱都無事最宜親下車趨走驚隣舍決獄平反
慰老人相見只今多邂逅舊遊他日半埃塵何年重起扁舟興會
作東湖十日賓

送賈訥朝奉通判睢州

歸念長依落日邊壺漿今見逆新官聲傳已覺謳歌遍身到前知
政令寬民病賢人來已暮時平蜀道本無難明年我欲修桑梓爲
賞庭前荔子丹

睢州倅廳舊有
荔支二株甚大

次韻黃庭堅學士猩毛筆

不悟身邊一斗紅聖賢隨世亦時中何人知有中書巧縛送能書

陳孟公

李誠之待制挽詞二首

脫遺章句事經綸滿腹龍蛇自屈伸南駕威聲傳絕域西征舊恨
失姦臣空畱諫疏驚頽靡終託詩詞話苦辛直氣如雲未應盡一
雙嗣子亦騏驎

濟南風物在西湖湖上逢公初下車談笑樽前伏齊虜旌旗門外
聽除書一封未奏先焚草三黜歸來便種蔬淚落西堂歌酒地杉
松空見歲寒餘

司馬溫公挽詞四首

白髮三朝舊青山一布衾封章畱帝所德澤在人心未起謳吟切
來歸顧託深揚公不久住天意定難忱

其二

決策傳賢際危言變法初紛紛看往事一一驗遺書富貴終何有
清貧只自如西州不忍過行哭便回車

其三

區區非爲已懇懇欲忘生力盡必終在身亡勢亦成遺民拋劍戟
故老半公卿魏丙生前友俱傳漢相名

其四

少年真狷淺射策本羸疎欲廣忠言地先收眾棄餘流離見更化
邂逅捧除書趙孟終知厥他人恐罵予

送表弟程之元知楚州

與君外兄弟初如一池魚中年雲雨散各異澗谷居客舍復相從
語極長歎歎青衫奉朝謁白髮驚晨梳百年不堪把一樽歡有餘
清言我未厭昨夜聞除書淮南早已久疲民食田蔬詔發上供米
仍疏古邗渠要須賢使君均此積歲儲徑乘兩槩去不待五馬車
別離難重陳勞徠不可徐政成得召節歲晚當歸歟

送王震給事知蔡州

朝廷入忘返冠蓋如雲屯賢哉貴公子獨以民社言西臺出命書
落筆波濤翻東臺典封駁坐惜日月奔試劇得上蔡高臥強東藩
早歲獨多麥時雨如傾盆鈴軒省鞭扶幕府多壺樽逡巡文字樂
斥去簿領煩賜環行當至坐席恐未溫三槐日成陰富貴屬曾孫


送王廷老朝散知虢州

滿腹貯精神觸手會眾理一廢十五年直坐才多爾我昔遊宋城
憶始識君子簿書填丘山賓客亂蜂螳出尋城下宅屢屣床前履
清談如鋸木落屑紛相委解頤自有樂置酒始且止逡巡破黃封
婉婉歌皓齒風高熊正白霜落蟹初紫夜闌意未厭河斜客忘起
歸來笑僮僕熟醉未曾爾江湖一流蕩歡意日頽弛西還經舊遊
相逢值新喜詔催西州牧門有朱轡柅都城挽不住山賊近方侈

提刀索崖谷援桴動閭里居家百無與王事非有已何日卻休官
復飲梁王市

送魯有開中大知洛州次子瞻韻

仲連雖不仕而非綺與園逡巡笑談間屢解戰鬪繁子敬識二孫
長揖鼓鼙喧意氣感周郎振策起江村二賢繼英風千載爲高門
曾孫事仁祖風義夙所敦臺閣餘故事父老稱遺言白髮識公子
十載友元昆婆婆久不試俛仰色愈溫五馬忽嘶鳴朱輪夾征軒
旌旄隔河至部曲幾人存銅虎不可留芻狗行當燔秋潦決河防
遺黎化驚魂憂心念千里何暇把一樽西城叩門別南風吹帽翻
嗟我限出謁未敢逾短垣新晴水尙壯想見民驚奔安得萬丈堤
止此百里渾始爾救一境誰當理其源百聞貴一見尺書爲我論



十四終

城集卷之十五

一 采眉山蘇轍子由著

明東吳

王執禮子敬
顧天叙禮初

全

詩八十五首

送陳侗同年知陝府

上書乞江淮得請臨關河所得非所願親友或相訶丈夫志四方
所遇常逶迤况當國西屏形勝古來多崑渠湧北郭華岳垂東阿
羌虜昔未平驛騎如飛梭間諜時出沒關梁苦誰何爾來一清淨
西望多麥禾魏絳方和戎先零正投戈秦人釋重負道路聞行歌

便當臥齋閣次第除網羅時時一嘯咏未用勤催科諸孤寄吳越
食口如鴈鵝時分橐中金何必手自摩

次韻李曼朝散得郡西歸畱別二首

風波定後得西歸烏鵲喧呼里巷知未熟黃梁驚破夢相看白髮
信乘危脉肩尙有冬深味蠶器應逢市合時父老爲公畱臘酒不
須猶唱式微詩

懷印徒行尙故衣邸中掾史見猶疑千人上塚鄉關動五馬行春
雨澤隨醉裏墜車初未覺道中破甑復誰悲西行漫遣親朋喜早
賦陶翁歸去詩

送程廷用宣德西歸

昔與君同巷參差對柴荆艱難奉老母弦歌教諸生藜藿飽臧獲
布褐均弟兄貧賤理則窮禮義日益明我親本知道家有月旦評
逡巡戶牖間時聞歎息聲善惡不可誣孝弟神所聽我見此家人
處約能和平它年彼君子豈復地上行爾來三十年遺語空自驚
松叶映天末苦淚緣冠纓子親八十五皤然老人星安輿及祿養
平反慰中情月俸雖不多足備甘與輕今年復考課得秩真代耕
倚門老鶴望策馬飛鴻征歸來歲云莫手奉屠蘇觥我詩不徒作
以遺鄉黨銘

君昔嘗稅居與敝廬東西相望武昌君見其家事知非貧賤人也此語未嘗語人俛仰三十年矣因君西

歸作詩言之
不覺流涕

次韻子瞻杜介供奉送魚

天街雪霽初通駟禁籞冰開漸躍魚
十尾煩君穿細柳一杯勸我
莖青蔬寒樽獨酌偶逢客佳句相酬
不用書江海歸來叨禁近空
令同巷往來踈

次韻子瞻招王濂朝請晚飲

矯矯公孫才不貧白駒衝雪喜新春
忽過銀闕迷歸路誤認瑤臺
尋故人訪我不嫌泥正滑留君深愧酒非醇
歸時九陌鋪寒月清
絕空教僕御輦

子瞻與李公麟宣德共畫翠石古木老僧謂之憩寂圖題其

後

東坡自作蒼蒼石畱取長松待伯時
只有兩人嫌未足更收前世
杜陵詩

三君貺宣徽挽詞三首

妙年收賈傅白首貴王陽志氣文章在功名歲月長
遺孫依舊德
故吏滿諸方河朔三持節斯民定不忘

其二

謫墮神仙侶飛翔鸞鳳姿舊逢黃石老陰許赤松期
歷歷僧伽記

申申鄧傳詞翻然歸海嶠無復世人知公少年過泗州於僧伽塔中見一老僧謂公歸跡祖

墓有白兔者君當第一人及第已而果然既登科見張鄧公為公言吾為射洪令尉捕得一人疑其行劫吾覺其非是釋之問其所

從來則山中隱者也以藥遺我曰服此藥可以終天年而無病且約我貴極人臣今子方且貴慎毋答辱道人公終身用其言輔佐

公於大名親見公言之

其三

從軍在河上仗鉞喜公來幕府方閑暇歌鐘得縱陪它年老賓佐

過國泣樓臺猶有墳碑在仍令故客開今樞密安公厚卿昔與轍同在幕府公家方求厚卿

作臺碑

送杜介歸揚州

揚州繁麗非前世城郭蕭條卻古風尚有花畦春雨後不妨水調

月明中東都甲第非嫌汝北牖羲皇自屬翁清洛放船經月事急

先鴟鳩遶芳叢

次韻子瞻與鄧聖求承旨同直翰苑懷武昌西山舊遊

我遊齊安十日回東坡桃李初未栽扁舟亂流入樊口山雨未止

汪黃梅寒溪聞有古精舍相與推挽登崔嵬山深縣令喜客至寺

荒蔓草生經臺黃鵝白酒得野醜藤床竹簟無纖埃可憐遷客畏

人見共怪青山誰為堆行驚晚照催出谷中止亂石傾餘壘古今

相望兩令尹謂元結與鄧君也文詞灑落千山隈野人豈復識遺趣過客

時爲剡蒼苔五年畱滯屐齒禿一朝揮手船頭開玉堂卻憶昔遊
處笑問五柳應彫摧滿朝文士蚤貴達憑凌霄漢乘風雷入叅祕
殿出華省何會著足空山來漂流邂逅覽遺躅耳中尙有江聲哀
送楊孟容朝奉西歸
三十始去家四十初南遷五十復還朝白髮正紛然故人從西來
鞍馬何聯翩握手得一笑喜我猶生全別離多憂患夢覺非因緣
惟餘歸耕計粗有山下田久糜太倉粟空愧鄉黨賢老兄富治行
令德齊高年幸此民事清未厭軍壘偏父老攜壺漿稚子迎道邊
應有故相識問我何當旋君恩閔衰病歸駕行將鞭

次韻孔武仲學士見贈

羨君耽讀書日夜論今古雖復在家人不見釋手處意求五車盡
未惜雙目苦蓬萊倚霄漢簡冊充棟宇學成擅困倉筆落走風雨
破籠閉野鶴短草藏文虎鬢鬚忽半白兒女無復乳知君不能薦
愧我終何補偶來相就談日落久未去歸鞍得新詩佳句爛如紉
古風棄雕琢遺味比樂府且復調埴篴泠然五音舉

送家定國朝奉西歸

我懷同門友勢如曉天星老去髮垂素隱居山更青退翁聯科第
俯仰三十齡仕官守鄉國出入奉家庭鶻鷲性本靜芷蘭深自馨

新詩得高趣眾耳昏未聽笑我老憂患奔走如流萍冠裳強包裹
齒髮坐凋零晚春首歸路朱轡照長亭縣令迎使君綵服導輜輶
長歎或垂涕平反知有令此樂我已亡雖達終不寧

次韻劉貢父省上示同會二首

流落江湖東復西歸來未洗足間泥偶隨鵬翼培風上時得衛香
滿袖攜落筆逡巡看傑直醉吟清絕許分題相望魯衛雖兄弟終
畏鄰封大國齊

掖垣不復限東西賓客來衝霧雨泥白酒黃封開瀲灩朱櫻青籠
落提攜五花愧我連書判三道高君免試題誰遣松蒿同一谷凌

雲他日恐難齊

次韻孔武仲三舍人省上

君不見西都校書宗室叟東魯高談鼓瑟手偶然同我西掖垣並
立曉班分左右龍文百斛世無價屬一瓦釜枵然但升斗諸兄落
落不可望兩季幸肯分餘光大孔奮飛自南鄉聯翩羣鴈相追翔
渠家冠蓋尤堂堂

送顧子敦奉使河朔

去年送君使河東今年送君使河北連年東北少安居慷慨憐君
色自得河流西決不入土千里汗漫敗原隰壯夫奔亡老稚死粟

麥無苗安取食君憂臣辱自古然自說過門三不入忠誠一發鬼
神輔心念既通謀計集堤防旋立村落定波浪欲收蛟蜃泣二年
歸國未爲久故舊相看髮猶黑成功豈在延世下好勇真令腐儒
服此時爲國頌河平當使君名長不沒

席上再送

八言虎頭癡勇作河朔遊黃河六七月不辨馬與牛單車徑北渡
橫身障西流虎頭亦不癡志在萬戶侯徜徉歷三邊歸借坐上籌
腰垂黃金印不受白髮羞此計雖落落但問有志不臨岐且一醉
行役方未休

次韻孔文仲舍人酴醾

蒼虵凍不死輕素暖仍歸落葉時吹面繁香自撲幃光凝眞照夜
枝軟或牽衣似厭風霾苦應思霧雨霏開樽迎最盛掃地見初稀
賴有清陰在金波肯發揮

送錢承制赴廣東都監

家聲遠繼河西守遊宦多便嶺外官南海無波閑闕舸北堂多暇
得羞蘭忽聞常棣歌離索應寄寒梅報好安它日扁舟定歸計仍
將犀玉付江湍

次韻曾子開舍人四月一二日扈從二首

萬人齊仗足聲勻翠輦徐行不動塵夾道歡呼通老穉從官雜選
數徐陳旌旗稍放龍蛇卷旒冕初看日月新天遣雨師先灑道農
夫不復誤占辛農家常以上辛占麥辛深則麥熟今年正月八日
得辛而雨不時應駕未出一日初得雷雨麥始有
望

衣冠雙日款蓬萊簾脫瓊鉤扇不開清曉逮驚三殿啟翠垂遙白
九天來晨光稍稍侵黃蓋瑞霧霏霏著禁槐千兩翟車觀禮罷歸
時滿載德風迴是日內外命婦皆會景靈仰瞻三宮肅然
雍穆不言而化諸公之家有能言之者

再和

病起江南力未勻強將冠劍拂埃塵木雞自笑真無用芻狗何勞
收已陳行從鑾旗風日細側聽廟樂管絃新誰知四載勤勞後併
舉成功祚泣辛

宸心惻惻念汙萊南籞西池閉不開長樂鳴鞘千乘出顧成薦鬯
萬方來從臣暗泣新宮柳父老行依輦路槐雙闕影斜朱戶啟都
人畱看屬車回

次韻張昌言給事省中直宿

還家未暇拂塵衣攜被重來趁落暉省戶鳴騶久分散宮槐栖鵲
共翻飛周廬見日風霾靜斜漢橫空星斗稀多病心身怯清禁故
山依約夢西歸

次韻貢父子開直宿

擲簡搖毫氣吐虹興餘庭藥詠殘紅今宵文字知無幾
鼾睡簾中笑二公

去年冬轍以起居郎入侍邇英講不逾時遷中書舍人雖忝
冒愈深而瞻望清光與日俱遠追記當時所見作四絕句呈

同省諸公

邇英肅肅曉霜清玉宇時聞槁葉零風過都城吹廣內萬人笑語
落中庭

銅鉞灑遍不勝寒雨點勻圓凍未乾回首矐矐朝日上槐龍對舞

覆衣冠

邇英前有雙槐甚高而柯葉拂地狀若龍蛇講官進對其下

早歲西廂跪直言起迎天步晚臨軒何知老侍曾孫聖欲泣龍髯
吐復吞

轍昔舉制策坐於崇政西廊蓋邇英之比也是日晚仁皇自延和步入崇政過所試幄前瞻望天表最爲親近

講罷淵然似不勝詩書默已契天心高宗問答終垂世未信諸儒
測淺深

次韻張問給事喜雨

已收蠶麥無多日旋喜山川同一雲禾黍趨時青覆壠池塘流潤
涿生文兩宮尙廢清晨集中禁初消永夜薰倉粟半空民望足深
耕疾耨肯忘君

次韻宋構朝請歸守彭城

得郡迎親願不違書來無復寄
歸馬馳未覺西南遠烏哺何辭
日夜飛湖水欲平官舍好茶
征初復訟氓稀平反聞道加
滄飯五袴應須換破衣

次韻劉貢父西掖種竹

心迷誰定知迷否趣取滂池
好雨初栽向鳳池吹律處
斲從芸閣殺青餘迎風一嘯
朝回早弄月相差直宿疎
應怪籍成林下客相看不飲
作除書

仲馮方作左史必與貢父並直於此

次韻劉貢父省中獨直

兼深巧爲隔朝瞰竹密時能引雀
喧朝罷宿醒還續夢靜中諸妄
稍歸根坐曹聞道仍分省出沐
誰當與比軒竹簟茅簷它日事
重因遺詠記君恩

得告家居次韻貢父見寄

右恩賜告許歸來雨後中庭有綠
苔起問日高三丈久臥聞車過
九門開泥封連日傳新語腕脫
知君有軟才

十八二十二兩日除日猥多

待得

晴乾追後乘未應塵土熱如灰

黃幾道郎中同年挽詞二首

温恭天賦此心良惠愛人知政術
長井水無波任銚縷牛刀投隙

應宮商分符出遍名城守
被歸從華省郎不到汝陰遺恨遠坐
令湖水減清光

早歲相從能幾時淮陽花發正遊嬉
鳴弓矍相人如堵席地滄浪
柳作帷十載舊游真是夢
一時佳客尙存誰遙聞葬日車千兩清

酒綿中寄一悲
轍昔與幾道相遇於陳陳守張聖民相與游從甚密逮今將二十年當時賓客在者少矣而幾道復
化去言之
悽惻無已

和王定國寄劉貢父

度嶺當年惜遠行過淮今日似前生
畱連秋思江侵海搖蕩春心
花滿城欲寄尺書慵把筆偶聞佳句獨含情
何時復看清虛會醉

聽簾箏促柱聲

故濮陽太守贈光祿大夫王君正路挽詞二首

落落承平佐英
英嗣世風芝蘭託庭戶鸞鵠峙椅榻
結客賢豪際
傾財緩急中悲
傷聞故老淪謝未衰翁

其二

吳中試良守濮上繼嘉聲
平賦權家恨蠲租盜俗清
家貧久未葬
身去獨畱名天報多男子終存好弟兄

韓幹三馬

老馬側立鬃尾垂御者高拱持青絲
心知後馬有爭意兩耳微起

如立錐中馬直視翹右足眼光已動心先馳僕夫旋作奔佚想右
手正控黃金羈雄姿駿發最後馬回身奮鬣真權奇圉人頓轡屹
山立未聽決驟爭雄雌物生先後亦偶耳有心何者能忘之畫師
韓幹豈知道畫馬不獨畫馬皮畫出三馬腹中事似欲譏世人莫
知伯時一見笑不語告我韓幹非畫師

書郭熙橫卷

鳳閣鸞臺十二屏屏上郭熙題姓名崩崖斷壑人不到枯松野葛
相欹傾黃散給舍多肉食食罷起愛飛泉清皆言古人不復見不
知北門待詔白髮垂冠纓袖中短軸纔半幅慘澹百里山川橫巖

頭古寺擁雲木沙尾漁舟浮晚晴遙山可見不知處落霞斷鴈俱
微明十年江海興不淺滿帆風雨通宵行投篙椽杙便止宿買魚
沽酒相逢迎歸來朝中亦何有包裹觀闕圍重城日高困睡心有
適夢中時作東南征眼前欲擬要真物拂拭束絹付與汾陽生

題王生畫三蠶蜻蜓二首

饑蠶未得食宛轉不自持食蠶聲如雨但食無復知老蠶不復食
矯首有所思君畫三蠶意還知使者誰

其二

蜻蜓飛翾翾向空無所著忽然逢飛蚊驗爾饑火作一飽困竹稍

凝然反冥冥若無飢渴患何貴一簞樂

贈寫真李道士

君不見景靈六殿圖功臣進賢大羽東西陳能令將相長在世
口古獨有曹將軍高高李師掉頭笑自言弄筆通前身百年遺像誰
復識滿朝冠劍多偉人據鞍一見心有得臨牕相對疑通神十年
江海鬚半脫歸來俛仰慚簪紳一揮七尺倚牆立客來顧我誠似
君金章紫綬本非有綠蓑黃筍甘長貧如何畫作白衣老置之茅
屋全吾真

次韻子瞻題郭熙平遠二絕

亂山無盡水無邊田舍漁家共一川行遍江南識天巧臨牕開卷
兩茫然

斷雲斜日不勝秋付與騷人滿目愁
父老如今亦才思一蓑風雨
釣槎頭

次韻錢勰待制秋懷

壯心老自消秋思悲不怨中懷不堪七那用日食萬朝陽淨塗潦
白露霑草蔓夾衣搜故褚酒債積新券狙猿便林藪冠帶愁檻圈
夢追赤松游食我青精飯歸心久已爾佳句聊復勸近聞洮東將
間出邊馬健禪王坐受縛右袂行將獻念此愧無功歸歟適吾願

宿滎陽寧氏園

喧卑背城市曠蕩臨溪水車流泝絕壁河潤及桃李居人有佳思
過客得新喜中橋一回顧欲入迷所自

滎陽唐高祖太宗石刻像

并叙

滎陽大海院高齊石像二高不數寸而姿製甚妙唐高祖爲鄭
州刺史太宗方幼而病甚禱之卽愈因各爲一碑刻彌勒佛且
記其事至今皆在元祐二年九月祭告永裕陵過而觀焉作小
詩以授院僧

誰言膚寸像勝力妙人天欲療眾生病陰扶濟世賢身微須覆護
眼淨照幾先豈爲成功報猶應歷劫緣

次韻劉貢父從駕

一經空記弟傳兄舊德終慙比長卿扈駕聯翩來接武登科先後
憶題名竹林共集連諸子棣萼相輝賴友生它日都門俱引去不
應廣受獨華榮

次韻劉貢父和韓康公憶其弟持國二首

霜風瑟瑟卷梧燕燕處超然夜寂寥羽客信來丹鼎具石淙夢斷
水聲遙赤松作伴誰當見黃鵠高飛未易招劔履終身定何益勤
勞付與沛中蕭

愛君憂世老彌深特操要須得失臨晚歲飛騰推有德故鄉安穩
信無心小邦近似西山隱元氣終當北斗斟聖主方求三世舊老
臣何止一遺簪

聞京東有道入號賀郎中者唐人也其徒有識之者作詩寄
之

賀老稽山去不還鏡湖獨棹釣魚船南來太白尋無處卻作郎官
又幾年岱下迎鸞驚典謁蒙山施藥愍耕田試窮腳力追行迹亦
使今生識地仙

送家安國赴成都教授三絕

城西社下老劉君春服舞雩今幾人白髮弟兄驚我在喜君游宦

亦天倫

微之先生門人惟僕與子瞻
兄復禮與退翁兄皆仕耳

垂白相逢四十年猖狂情味老俱闌論兵頓似前賢語莫作當年
故目看

石室多年欵誌平新書久滷里中生遣師今見朝廷意文律還應
似兩京

送歐陽辯

我年十九識君翁鬚髮白盡顴頰紅奇姿雲卷出翠阜高論河決
生清風我時少年豈知道因緣父兄願承教文章疎略未足云舉

止猖狂空自笑公家多士如牛毛揚眉抵掌氣相高下客遠巡愧
知已流耕低昂隨所遭卻來京洛三十載重到公家二君在伯亡
仲逝無由追淚落數行心破碎京城東西正十里雨落泥深旱塵
起衣冠纏繞類春蠶一歲相從知有幾去年叔爲尙書郎家傳舊
業行有望今年季作澶淵吏米鹽駮屑何當起前輩今無一二存
後來幸有風流似黃河西行淤沒屋桑柘如雲麥禾熟年豐事少
似宜君飽讀遺書心亦足

送韓康公歸許州

功成不願居身退有餘勇心安里間適望益縉紳重朝爲北闕辭

莫犯南河凍人知疎公送王命顯父送百壺山泉溢千雨春雷動
旋聞二季賢繼以一章控詔書未云可廷論已爭竦茲行迫寒食
歸及掃先壟萬人擁道看一子腰金從爾曹勿驚嗟令德勸勤種
三日上辛祈穀除日宿齋戶部右曹元日賦三絕句寄呈子

瞻兄

七度江南自作年去年初喜奉椒槃冬來誤入文昌省連日齋居
未許還

今歲初辛日正三明朝春氣漸東南還家強作銀幡會雪底蒿芹
欲滿藍

北客南來歲欲除，燈山火急萬人扶。
燈山例以北使見日立欲觀翠輦巡遊，
盛深怯南宮鎖鑰拘。

次韻王欽臣祕監集英殿井

碧螿涵雲液，銅瓶響玉除。
汲花攢點罷，灑霧喚班初。
龍餠煎無數，螭研滴有餘。
從官方醉飽，酌解清虛。

集賢殿考試罷二首

振鷺紛紛未著行，初從江海覘清光。
卷聲風雨中庭起，筆勢雲烟累幅長。
病眼尙能分白黑，眾毛空復數驪黃。
禁中已許公孫第，得失何私物自忙。

乍侵眼漸昏，青燈細字苦勞神。
遍看大軸知無力，聽誦奇篇入前日。
鼓旗聞苦戰，明朝雷雨出潛鱗。
殿廬困極唯思睡，卻

登科似後身

問蔡肇求李公麟畫觀音德雲

好事桓靈寶，多才顧長康。
何嘗爲人畫，但可設奇將。
久聚要當散，能分慰所望。
清新二大士，昇我夜燒香。

五月一日同子瞻轉對

羸病不堪金束腰，永懷江海舊漁樵。
對床貪聽連宵雨，奏事驚同朔旦朝。
大耿功名元自異，中茅服食舊相要。
一封同上憐狂直，詔

許昌言賴有堯

次韻劉貢父題文潞公草書

鷹揚不減少年時
墨作龍蛇紙上飛
應笑學書心力盡
臨池寫遍未裁衣

韓康公挽詞三首

闕閱元高世功名
自發身堂堂揖真相
矯矯出稠人許國心
先定輕財物自親
傳經比韋氏世世得良臣

其二

耆年時一二新第闕
西南好客心終在
忘懷日縱談規模人共記

風味我猶諳誰是羊曇首
回車意不堪

其三

師曠聞弦日相如
作賦年雖慙眾人後
貪值主文賢北道初開召
南江正遠遷平生
闕親近遺恨屬新阡

送王宗望郎中赴河東漕

春初戎馬掠河壩
屬國倉皇不解鞍
未免驅民餽邊食
旋聞奉使輟郎官
年高轉覺精神勝
慮穩要令事業安
持節近看葱嶺雪
擁裘應慣鴈門寒

送高士敦赴成都兵鈐

揚雄老病久思歸家在成都更向西邂逅王孫馳驛騎丁寧父老
問耕犁禪房何處不行樂壁像君家有舊題德厚不妨三世將時
平空見萬夫齊

盧鴻草堂圖

昔爲大室遊盧巖在東麓直上登封壇一夜繭生足徑歸不復往
巒壑空在目安知有十志舒卷不盈幅一處一盧生裘褐蔭喬木
爲世外人行止何須錄百年入篋笥犬馬同一束嗟予縛世累
有茅屋江干百畝田清泉映修竹尙將逃姓名豈復上圖軸

秦虢夫人走馬圖二絕

秦虢風流本一家豐枝穠葉映雙花欲分妍醜都無處夾道遊人
空嘆嗟

朱幘玉勒控飛龍笑語誼譁步驟同馳入九重人不見金鈿翠羽
落泥中

韓幹一馬

玉帶胡奴騎且牽銀驥白鼻兩爭先八坊龍種知何數乞與岐邠
並錦鞵

試制舉人呈同舍諸公一首

垣中不減臺端岐池上來從柱下嚴同直舊曾連月久斲來還喜

二公兼僕頃與孫莘老同在諫垣與彭器資同在西掖直言已許侵彈奏新告行聞振滯

淹顧我翁官何所與西曹只合論茶鹽

早歲同和止六人中年零落半埃塵却將舊學收新進幾誤今生

是後身骯髒別都遺老驥沉埋祗府愧潛鱗制科前輩今獨張公安道一人後來未用

惟張去華而已憐君尙勝劉蕡在白首諸侯呼上賓

次韻張去華院中感懷

登朝已老似王陽脫葉何堪霧雨涼案上細書憎蟻黑禁中新酒

愛鵝黃臨堦野菊偏能瘦倚檻青松解許長仕宦不由天祿閣坐

曹終日漫皇皇敬頃自續溪除校書郎未至京除右司諫竟不入館故以為恨

送周思道朝議歸守漢州三絕

早緣民事失茶官解印重來十二年美惡一周還白復始知東里

解言天

梓漠東西甲乙州同時父子兩諸侯正孺時出字梓州它年我作西歸計

兄弟還能得此不

酒壓鄆筒憶舊醑花傳丘老出新圖漢州官酒蜀中推第一趙昌畫花摸倣丘文播亦西川所

無此行真勝成都尹直為房公百頃湖

